

務下音秘篆古書字也下直轉反
砌堂上鳥交反下也
也蜉蝣浮由二音朝生暮死蟲也

大慈恩寺三藏法師傳卷第八

右八

大慈恩寺三藏法師傳卷第九

沙門惠立本釋彥悰篆

起顯慶元年三月謝慈恩寺碑成終二

年十一月法師謝勅問病表

顯慶元年春三月癸亥御製大慈恩寺碑

文訖時禮部尚書許敬宗遣使送碑文與法

師鴻臚寺又有符下寺甲子法師率寺衆詣
闕陳謝曰沙門玄奘言被鴻臚寺符伏奉
勅旨親紓聖筆爲大慈恩寺所製碑文已
成睿澤傍臨宸詞曲照玄門益峻梵侶增
榮躅厚地而懷慙負層穹而寡力玄奘聞造
化之功旣播物而成教聖人之道亦因辭以

見情然則畫卦垂文空談於形器設爻分象
未踰於寰域羲皇之德尚見稱於前古姬后
之風亦獨高於後代豈若開物成務闡入政
以摛章詮道立言證三明而導俗理窮天地
之表情該日月之外較其優劣斯爲盛矣伏
惟皇帝陛下金輪在運玉曆乘時化溢四

洲仁覃九有道包將聖功茂迺神縱多能於
生知資率由於天至始悲奮鏡即創招提俄
樹勝幢更敷文律若乃天華穎發睿藻波
騰吞筆海而孕龍宮掩詞林而包鶴樹內該
八藏外覈六經奧而能典宏而且密固使給
園遺跡託寶思而弥高柰苑餘芳假瓊章而
不昧豈直抑揚夢境昭晰迷塗諒以鎔範四
天牢籠三界者矣玄奘言行無取猥預縉徒
亟叨恩顧每謂多幸重忝曲成之造欣逢像
法之盛且慙且躍實用交懷無往竦戴之誠
謹詣朝堂奉表陳謝乙丑法師又惟主上文
明天縱聖而多能非直文麗魏君亦乃書過

漢主法師以見碑是 聖文其書亦望袖筆
詣闕請 皇帝自書表曰沙門玄奘等言竊
以應物垂象神用溥該隨時設教聖功畢盡
是知日月雙朗始極經天之運卉木俱秀方
窮麗地之德伏惟

皇帝陛下智周万物仁霑三界既隆景化復

闡玄風鄙姬穆之好道空賞瑤池之詠蓋漢
明之崇法徒開白馬之詞遂乃俯降

天文遠揚幽旨用彰豐琬長垂茂則同六英
之發音若五緯之摛曜敷至懷而感俗弘大
誓以匡時且獨幽贊真如顯揚玄蹟者也雖
王藻斯暢翠版將刊而銀鈎未書丹字猶韞

然則蔓樂已蕪匪里曲之堪預龍卿旣畫何
燭火之能明非夫牙曠撫律羲和摶馭焉得揚
法鼓之大音裨慧日之冲彩敢緣斯義冒用
千祈伏乞成茲具美勒以神筆庶凌雲之妙
邁跡前王垂露之奇騰芥後聖金聲玉震即
倍群迷鳳翥龍盤將開衆瞽豈止克隆像教

懷生霑莫大之恩實亦聿贊明時宗社享無
疆之福玄奘稟識愚淺謬齒縉林本慙窺涉
多虧律行猥辱紫宸詞過蒙褒美雖驚惕之
甚措顏無地而慊懇之勤翹誠有日重敢塵
黷更懷冰火表奏不納景寅法師又請曰昨
一日蒙賚 天藻喜戴不勝未允神翰翹丹
尚擁竊以攀榮奇樹必含笑而芬芳跪寶玉
岑亦舒渥而貽彩伏惟 陛下提衡執粹垂
拱太寧 睿思綺毫俯凝多藝鴻範光於洛
浦草聖茂於臨池玄奘肅荷前恩奉若華於
金鏡冒希後澤佇桂影於銀鈎豈直合璧相
循照輝是仰亦恐非天翰無以懸日月之文
唯麗則可以據希微之輒馳魂況首非所敢
望不勝積慊昧死陳請表奏帝方運神筆法
師旣蒙 帝許不勝慶抃表謝曰沙門玄奘
言伏奉 勅旨許降宸筆自勒御製大慈恩
寺碑文

璽誥爰臻 細慈猥集祐荷慙惕罔知攸措

玄奘聞強弩在彀麗鬼不足動其機鳴鐘匿音纖莛無以發其響不謂日臨月照遂迴景於空門雨潤雲蒸乃昭感於玄寺是所願也豈所圖焉伏惟陛下履翼垂樞握褒纊運追軒邁頃孕夏呑殷演衆妙以陶時摠多能而景俗九域之內旣沐仁風四天之表亦露玄化然則津梁之法非至聖無足闡其源幽贊之工非至人何以敷其迹雖追遠所極自動天情而冥祐可祈即迴宸眷英詞曲被已超希代之珍祕迹行開將踰絕價之寶凡在群品靡弗欣戴然彼梵徒倍增慶躍夢鈞天之廣樂匹此非奇得輪王之鬆珠疇茲豈貴庶當刊以貞石用樹福庭蓋彼迷生方聞耳目盛乎法炬傳諸未來使夫瞻寶字而跂銀鉤發菩提於此日諷通文而探躋悟般若於斯地劫成窮芥昭昭之美恒存遷海環桑藹藹之風無朽玄奘出自凡品夙慙行業旣蒙落飾思闡玄猷往涉迦維本憑皇化迨茲翻

譯復承朝獎而貞觀之際濫沐洪慈永徵已來更叨殊遇二主神筆猥賜褒揚兩朝聖藻亟垂榮飾顧循愚劣實懷兢懼輸報之誠不忘昏曉但以恩深巨壑豈滴水之能酬施厚崧丘匪纖塵之可謝唯當憑諸慧力還以無方資景祚於園寢助隆基於七百不任竦戴之至謹附內給事臣王君德奉表陳謝以聞輕犯威嚴伏深戰慄夏四月八日帝書碑并匠讐訖將欲往寺法師慙荷聖慈不敢空然待送乃率慈恩徒衆及京城僧尼各營幢蓋寶帳幡花共至芳林門迎勅又遣太常九部樂長安万年二縣音聲共送幢最卑者上出雲霓幡極短者猶摩霄漢凡三百餘事音聲車千餘乘至七日冥集城西安福門街其夜雨八日路不堪行

勅遣且停仍迎法師入內至十日天景晴麗勅遣依前陳設十四日旦方乃引發幢幡等次第陳列從芳林門至慈恩寺三十里間爛

然盈滿帝登安福門樓望之甚悅京都士故觀者百餘万人至十五日度僧七人設二千僧齋陳九部樂等於佛殿前日晚方散至六日法師又與徒衆詣朝堂陳謝碑至寺表曰沙門玄奘等言今月十四日伏奉

勅旨送御書大慈恩寺碑并設九部樂供養

堯日分照先增慧炬之暉舞海通波更足法

流之廣豐碣巖詩天文景燭狀彩霞之映靈山疑縵宿之臨仙嶠凡在緇素電激雲奔瞻奉驚躍得未曾有竊以八卦垂文六爻發繫觀鳥製法位麟敷典聖人能事畢見於茲將以軌物垂範隨時立訓陶鑄生靈抑揚風列然則秦皇刻石獨昭美於封禪魏后刊碑徒紀功於大饗猶稱題目高視百王豈若親紓徽藻俯開仙翰金奏發韻銀鈞絢迹探龍塔東南角別造碑屋安之其舍複拱重櫨雲楣綺棟金花下照寶鐸上暉仙掌露盤一同靈宮而架三玄軼鳳篆而窮八體揚春波而騁思沛秋露以標奇弘一乘之妙理讚六度之幽蹟化總三千之域聲騰百德之外柰死微

言假天詞而更顯竹林開士託神筆而弥尊固使梵志歸心截疑網而松訓波旬革慮偃邪山而徇道豈止塵門之士始悟迷方滯夢之賓行超苦際像教東漸年垂六百弘闡之盛未若於茲至如漢明通感尚咨謀於傅毅吳主歸宗猶考疑於闕澤自斯已降無足稱者隨緣化物獨推

昭運爲善必應克峻昌基若金輪之王神功不測同寶冠之帝休祚方永玄奘等謬忝朝恩幸登玄肆屬慈雲重布法鼓再揚三明之化既隆八正之門長闢而顧非貞懇虛蒙獎導仰層旻而荷澤俯浚谷以懷慤無住竦載之誠謹詣闕陳謝以聞碑至有司於佛殿前東南角別造碑屋安之其舍複拱重櫨雲楣綺棟金花下照寶鐸上暉仙掌露盤一同靈宮而架三玄軼鳳篆而窮八體揚春波而騁思沛秋露以標奇弘一乘之妙理讚六度之者日數千人文武三品已上表乞模打許之

自結繩息用文字代興二篆形殊措草勢異懸針垂露雲氣偃波銘石章程八分行狎古人手有短長不能兼美至如漢元稱善史書魏武工於草行鍾繇閑於三體王仲妙於八分劉劭張弘發譽於飛白伯英子玉流名於草聖唯中郎右軍稍兼衆美亦不能盡也故韋文休見二王書曰二王自可稱能未是知書也若其天鋒秀拔頽鬱道健該古賢之衆體盡先哲之多能爲豪翰之陽春文字之寡和者信歸之於我 皇矣法師少因聽習及往西方步凌山雪嶺遂得冷病發即封心屢經困苦數年已來憑藥防禦得定今夏五月因熱追涼遂動舊疾幾將不濟道俗憂懼中書聞奏 勅遣供奉上醫尚藥奉御蔣孝璋針醫上官琮專看所須藥皆令內送北門使者日有數般遣伺氣候遞報消息乃至眠寢處所皆遣內局上手安置其珍惜如是雖慈父之於一子所不過也孝璋等給侍醫

藥晝夜不離經五日方損內外情安法師旣獎拙自營衛冷疹增動幾至縣篤殆辭昭遲天恩矜愍降以良醫針藥纔加即蒙瘳愈駐明導豈止膏肓永絕腠理恒調而已顧循庸非屢荷殊澤施厚命輕罔知輸報唯憑慧力庶訓冥祉玄奘猶自虛懷未堪詣闕陳謝無任竦戴之至謹遣弟子大乘光先奉表以聞帝覽表遣給事王君德慰問法師曰旣初服藥後氣力固當虛劣請法師善自攝衛未宜即用心力法師又蒙聖問不勝喜懼之至又表謝曰 沙門玄奘業累所嬰致招疾苦呼吸之頃幾隔明時忽蒙皇帝皇后降慈悲之念垂性命之憂天使頻循有逾十慰神藥俯救若遇一丸飲沐靈慈已祛沉痛承荷醫療遂得痊除豈期已逝之魂見招於上帝將夭之壽重稟於洪鑪

退省庸微何以當此撫膺愧越言不足宣荷
殊澤而詎勝粉微軀而靡謝方冀勗茲禮誦
罄此身心以答不次之恩少塞無窮之責無
任感戴之極謹附表謝聞喜懼兼并罔知攸
措塵蹟聽覽伏增惶悚貞觀十一年有
勅曰老子是朕祖宗名位稱號宜在佛先

時普光寺大德法常總持寺大德普應等數
百人於朝堂陳諍未蒙改正法師還國來已
頻內奏許有商量未果而

文帝昇霞永徽六年先有勅道士僧等犯
罪情難知者可同俗法推勘邊遠官人不閑

勅意事無大小動行枷杖虧辱爲甚法師每
憂之因疾委頓慮更不見天顏乃附人陳
前二事於國非便玄奘命垂日夕恐不獲後
言謹附啓聞伏枕惶懼勅遣報云所陳之
事聞之但佛道名位先朝處分事須平章其
同俗勅即遣停廢師宜安意強進湯藥至
二十三日降勅曰道教清虛釋典微妙庶

物藉其津梁三界之所遵仰比爲法末人澆
多違制律且權依俗法以伸懲誠冀在止惡勸
善非是以人輕法但出家人等具有制條更別
推科恐爲勞擾前令道士女道僧尼有犯依
俗法者宜停必有違犯宜依條制法師旣荷
茲聖澤奉表詣闕陳謝曰沙門玄奘言伏
見勅旨僧尼等有過停依俗法之條還依
舊格非分之澤忽委緇徒不訾之恩復霑玄
肆晞湯沐道實用光華躡地循躬唯增震惕
竊以法王旣設像化空傳崇紹之規寄諸明
后伏惟

皇帝陛下寶圖御極金輪乘正瞻茲釋教載
懷宣闕以爲落飾玄門外異流俗雖情牽五
濁律行多虧而體被三衣福田斯在削王條
之密網布以寬仁信金口之直詞允茲迴向
斯固天祇載悅應之以休徵豈止梵侶懷恩
加之以貞礪若有背茲寬貸自貽伊咎則違
大師之嚴旨虧聖主之深慈凡在明靈自

宜謹謫豈待平反之律方科姦惡之罪玄奘庸昧猥陋法流每忝鴻恩忌懷慙惕重松殊辨
跡復兢惶但以近嬰疾瘵不獲隨例詣闕無任竦戴之誠謹遣弟子大乘光先奉表陳謝
以聞自是僧徒得安禪誦法師悲喜交集不覺淚霑襟袖不勝抃躍之至又重進表謝曰
沙門玄奘言伏奉 恩勅除僧等依俗法推勘條章嘉戴之誠莫知准璧彌尋正法隆替隨君上所抑揚彝倫薄厚儼玄風以興缺自聖運在璿明皇執粹甄崇道藝區別玄儒開不二之鍵廣唯一之轍寫龍宮於蓬閣接薺壤於神臯俾夫鍾梵之聲洋溢區宇福善之業濯沐黎萌寔法門之嘉會率土之幸甚頃爲僧徒不整誨馭乖方致使內虧佛教外犯王法一人獲罪舉衆蒙塵遂觸天威令依俗法所期清肅志在懲誠僧等震懼夙夜慙惶而聖鑒天臨仁澤昭被篤深期於玄妙掩纖垢於含弘爰降 殊恩釋茲嚴罰非其人之足

惜顧斯法之可尊遂令入網之魚復游江漢觸籠之鳥還飄杳冥法水混而更清福田鹵而還沃僧等各深荷戴人知自勉庶當勵情去惡以副天心專精禮念用荅鴻造伏願皇帝皇后以紹隆之功永凝百福乘慈悲之業端拱万春震域締祥維城具美不勝舞躍感荷之至謹重附表陳謝以聞輕蹟冕旒伏增惶恐

帝覽表知法師病愈遣使迎法師入安置於凝陰殿院之西閣供養仍彼翻譯或經二旬三旬方乃一出冬十月中官在難歸依三寶諸垂加祐法師啓 聖體必安和無苦然所懷者

是男平安之後願聽出家當蒙

勅許其月五日 皇后施法師納袈裟一頂并雜物等數十件法師啓謝曰沙門玄奘啓縷上服傳自先賢或無價衣聞諸聖典未有窮神盡妙目擊當如今之賜者也觀其均綵濃淡

敬君不能逾其巧裁縫婉密雜縷無以窺其
際便覺烟霞之室蘭固在身施府自瞻頓增
榮價昔道安言珍秦代未遇此恩支遁稱禮
晉朝罕聞斯澤唯玄奘庸薄獨竊洪私顧寵
循躬弥深戰汗伏願皇帝皇后富衆多之
子孫享無疆之福祚長臨玉鏡永御寶圖復

育群生與天無極不任慙佩之至謹啓謝聞
施重詞輕不能宣盡五日申後忽有一赤雀飛
來止於御帳奘不勝喜慶陳表賀曰

沙門玄奘言玄奘聞白鳩彰瑞表殷帝之興
赤雀呈符示國王之盛是知穹昊降祥以明
人事其來久矣玄奘今申後酉前於顯慶殿庭
惟內見有一雀背羽俱丹腹足咸赤從南飛
來入帳止於御座徘徊踊躍貌甚從容見
是異禽乃謂之曰皇后在孕未遂分誕玄
奘深憂懼願乞平安若如所祈爲陳喜相雀
乃迴施蹀足示平安之儀了然解人意玄奘
深心歡喜舉手喚之又徐徐相向乃至逼之

不懼撫之不驚左右之人咸悉共見玄奘因
爲受三歸報其雅意未及執捉且從其徘徊
遂復飛去伏惟皇帝皇后德通神明恩加
兆庶禮和樂洽仁深義遠故使羽族呈祥神
禽妙質顯子孫之盛彰八百之隆既爲曩代
之休符亦是當今之靈貺玄奘輕生有幸肇
屬嘉祥喜抃之深不敢緘默略疏梗槩謹以
奏聞若其羽翼之威儀陽精之淳偉歷代之
稽古出見之方表所不知也謹言表進已
頃聞有勅令使報法師皇后分難已訖
端正奇特神光滿院自庭燭天朕歡喜無已
内外舞躍必不違所詰願法師護念号爲佛
光王法師進賀曰沙門玄奘言竊聞至道
攸數啓天人於載筭深期所感誕玄聖於克
岐伏惟皇帝皇后情鏡三空化孚九有故
能關垂旒於二諦却走馬於一乘蘭殿初歇
爰發俱胝之願璇柯在孕便結踰城之徵俾
夫十号降靈弘茲攝受百神翼善肅此宮闈

所以災厲克清安和載誕七花儼以承步九龍低而灌質玄門佇迹道樹靈陰雖昔之履帝呈祥捫天表異寧足以方斯感貺此密猷率土詠歌喜皇階之納祐繙林勇銳欣紺馬之來遊伏願無替前恩特令法服靡局常戀迴構良因且帝子之崇出處斯在法王之任高尚弥隆加以功德無邊津梁載遠儻聖澤無舛弘誓不移竊謂殫四海之資不足比斯檀行傾十地之業無以譬此福基當願皇帝皇后百福凝華齊輝北極万春表壽等固南山盤娛樂於延齡踐薩云於遐劫諸君允茂綏紹帝猷寵番惟宜翊亮王室繼緣英胤休祉日繁標志節於本枝嗣芳塵於草座玄奘鑑偶不運局影禁門貴匪德昇寵緣恩積幸屬國慶惟始淨業開基踊躍之懷塵粉無恨不勝喜賀之至謹奉表以聞輕觸感嚴伏增戰越佛光王生佛三日法師又進表曰沙門玄奘言玄奘聞易喜日新之義詩美無疆

子孫所以周祚過期漢曆遐緒者應斯道也又聞龍門洞澈資源長而流遠桂樹叢生藉根深而芳藪伏惟皇運累聖相承重規疊矩積植仁義浸潤黎元其來久也由是二后光膺大寶爲子孫基可謂根深源長矣逮

陛下受圖功業逾盛還淳反素邁三五之蹤

製禮作樂逸殷周之軌不持黃屋爲貴以濟兆庶爲心未明求衣日異忘食一人端拱万里廓清雖成康之隆未至於此是故卿雲紛郁江海無波日城遵風龍鄉休化蕩蕩乎巍巍乎難得而備言矣既而道格穹蒼明神降福今月嘉辰皇子載誕天枝廣茂瓊華增敷率土懷生莫不慶賴在於玄奘特百恒情豈直喜聖后之平安實亦欣如來之有嗣伏願不違前勅即聽出家移人王之胤爲法王之子披著法服制立法名授以三皈列於僧數紹隆像化闡播玄風再秀禪林重暉覺苑追淨眼之茂跡踐月蓋之高蹤斷二種纏

成無等覺色身微妙譬如山王設綱莊嚴過於日月然後蔭慈雲於大千之境揚惠炬於百億之洲振法鼓而挫天魔麾勝幡而摧外道接沉流於倒海撲燎火於邪山竭煩惱之深河碎無明之巨殼爲天人師作調御士唯願先廟先靈藉孫祉而昇彼岸 皇帝皇后因子福而享万春永握靈圖常臨九域子能如此方名大孝始曰榮親所以釋迦乘國而務善提蓋爲此也豈得以東平瓊瑤之善陳思庸庸之才並日而論優劣同年而議深淺矣謹即嚴衣捧鉢以望善來之賓拂座清塗用趺踰城之駕不勝慶慰顥顥之至謹奉表

以門輕觸宸威追深戰越當即受三皈依服袈裟雖保傳養育所居常近法師十二月五日滿月 勅爲佛光王度七人仍請法師爲王剃髮法師進表謝曰沙門玄奘言昨奉恩旨令玄奘爲佛光王剃髮并勅度七人所剃髮則王之煩惱落也所度之僧則王之

侍衛具也是用震動波旬之殿踊躍淨居之懷弘願既宣景福弥盛豈謂庸賤之手得効伎於天膚凡庶之人蒙入道於嘉會上下欣抃悲喜交集竊尋覆護之重在褓所先解脫之因落飭爲始伏惟 皇帝皇后道凝象外福洽區中所以光啓妙門聿修德本所願皇階納祐玉宸延和臨百億與群下畢千万歲奇佛光高子乳哺惟宜善神衛質諸佛摩頂增華睿哲之姿允穆紹隆之寄新度之僧荷澤旣深亦當翹勤道業專精戒行允嗣僧倫佇承取草不勝感荷之至謹奉表以聞其日法師又重慶佛光王滿月并進法服等表曰

沙門玄奘言竊聞搏風迅羽累日而冲空寫月明璣逾旬而就滿是知稟靈物表亮彩天中者固已後發其殊惟新厥美者矣惟佛光王資上善以締祥闡中和而有德自微園降誕天祠動瞻睿氣清襟寢興納祐王顏秀表日夕增華自非 皇帝皇后慧日在躬法流

濯想寄紹隆於盤石啓落鋤於天人其孰能
福此襟衣安茲乳哺無災無害克岐克嶷者
今魄照初環滿月之姿盛矣箕杖再長如蓮
之目蕡々所以紫殿慰懷黔首胥悅七衆歸
怙四門佇鑒豈唯日索後言鶴駿待馭而已
玄奘幸承

恩寵許垂蔭庇師弟之望非所庶幾同梵之
情實切懷抱輒敢進金字般若心經一卷并
函報恩經變一部袈裟法服一具香爐寶子
香案澡鉢經架數珠錫杖潔豆檻各一以充
道具以表私歡所冀造載弄於半璋代辟邪
於蓬矢俾善神見而踊躍弘誓因以堅固輕
用千奉寔深悚惕伏願皇帝皇后尊邁拱
辰明兼合耀結歡心於兆庶享延齡於万春
少海澄輝掩不釗而取雋寵蕃振美麟間平
以載馳所願佛光王千佛摩頂百福凝軀德
昔日茂善規丕相不勝感荷奉表以聞二年
春二月駕幸洛陽宮法師亦陪從并翻經僧

五人弟子各一人事事公給佛光王駕前而
發法師與王子同去餘僧居後既到安置積
翠宮夏四月車駕避暑於明德宮法師又亦
陪從安置飛花殿其宮南接皂澗北跨洛濱
則隋之顯仁宮也五月勑法師還於積翠
宮翻譯法師既奉帝旨進表辭曰沙門玄
奘言伏蒙恩旨許令積翠宮翻經仰佩優
渥誠深喜戴伏念違離旋增憫然玄奘功微
勲府道謝德科而父素榮章鎮荷曾覆循涯
知懼臨谷匪危伏惟

皇帝皇后聖哲含弘仁慈亭育故使方類取

足一物獲安而近隔蘭除聽揚鑾而悲結甫
瞻芙蓉想多預而欣然伏願

玉宇延和仙桃薦壽邁甘泉之清暑等瑤池
之佳遊所冀溫樹迎秋涼颸造夏候歸軒於
砥陌儼幽錫於惟林稱慶万春甘從九旂不
勝感戀之極謹附表奉辭以聞荒越在頽水
火交慮法師在京之日先翻發智論三十卷

及大毗婆沙未了至是有勅報法師曰其所欲翻經論無者先翻有者在後法師進表曰 竊聞冕旒康俗咸競前修述作窮神必歸睿后

皇帝造物玄猷遠暢掩王城於侯甸光貝葉於羽陵傍啓譯寮降緝 濁序騰照千古流輝万葉 陛下纂承丕業光放遠韻神用日新賞鑒無怠玄奘濫沐

天造肅承明詔每撫庸躬恒深悚息去月日奉 勅所翻經論在此無者宜先翻舊有者在後翻但發智毗婆沙論有二百卷此土先

唯有半但有百餘卷而文多舛雜今更整頓翻之去秋已來已翻得七十餘卷尚有百三十卷未翻此論於學者甚要望聽翻了餘經論有詳略不同及尤舛誤者亦望隨翻以副聖述帝許焉法師少離京洛因茲扈從暫得還鄉遊覽舊廬問訪親故淪喪將盡唯有姊一人適瀛州張氏遣迎相見悲喜問姊父母

墳壘所在躬自掃謁爲歲久荒頽乃更詳勝地欲具棺槨而改葬雖有此心未敢專志法師乃進表請曰沙門玄奘言玄奘不天夙鍾荼蓼兼復時逢隋亂殯掩倉卒日月不居已經四十餘載墳壘頽毀殆將湮滅追惟平昔情不自寧謹與老姊一人收捧遺柩去彼陁陋改葬西原用荅昊天微申罔極昨日蒙勅放玄奘出三兩日檢校但玄奘更無兄弟唯老姊一人卜遠有期用此月二十一日安厝今觀葬事尚寥落未辦所賜三兩日恐不周而望乞 天恩聽玄奘葬事了還又婆羅門上客今相隨逐過爲率略恐將嗤笑不任繆迫憂懼之至謹附表以聞伏乞天覆雲迴曲憐孤請 帝覽表允其所請仍 勅所同其法師營葬所須並宜公給法師既荷殊澤又進啓謝曰 沙門玄奘啓玄奘殃深疊積降罰明靈不能殞亡偷存今日但灰律驟改盈缺匪居墳壘淪頽草棘荒蔓思易宅兆亟

歷歲年直爲遠隔關山不能果遂幸因陪隨
鑾駕得届故鄉允會宿心成茲改曆陳設所
須復蒙

皇帝皇后曲降天慈賜遣營佐不謂日月
之光在瓦礫而猶照雲雨之澤雖蓬艾而必
露感戴屏營喜鯉兼集不任存亡銜佩之至

謹附啓謝聞事重人微不能宣盡法師旣蒙
勅許遂改葬焉其營送威儀無非公家資給
時洛下道俗赴者萬餘人後魏孝文皇帝自
代徙都洛陽於少室山北造少林伽藍因地
勢之高卑有上方下方之稱都一十二院東

據嵩岳南面少峯北依高嶺兼帶三川聳石
巖飛泉繁映松蘿共質蓄交葛桂柏與杞
梓蕭森壯婉清虛實域中之佳所其西臺最
爲秀麗即菩提流支譯經處又是跋陀禪師
宴坐之所見有遺身定塔大業之末群賊以
火焚之不然遠近珍異寺西北嶺下緣氏縣

之東南鳳凰谷陳村亦名陳堡谷即法師之

生地也秋九月二十日法師請入少林寺翻
譯表曰沙門玄奘言玄奘聞菩提路遠趣
之者必假資糧生死河深渡之者須憑船筏
筏者八忍八觀之淨業非方舟之徒也是以
諸佛具而昇彼岸凡夫闕而沉生死由是茫

茫三界俱漂七漏之河浩浩四生成溺十纏
之浪莫不波轉煙迴心迷意醉窮劫石而靡
息盡焚城而弥固曾不知駕三車而出火宅
乘八正而適寶坊實可悲哉豈直秋之爲氣
良增歎矣寧惟孔父之情所以未嘗不臨食

輶食當寐而驚者也玄奘每惟此身衆緣假
合念念無常雖岸樹井藤不足以儔危脆軋
城水沫無以譬其不堅所以朝夕是期無望
長久而歲月如流六十之年颯焉已至念茲
遄速則生涯可知加復少因求法尋訪師友
自邦他國無處不經塗路遐邇身力疲竭頓

年已來更增衰弱顧陰視景能復幾何旣資

穢未充前塗漸促無日不以此傷嗟筆墨陳之不能盡也然輕生多幸屬逢明聖蒙先朝不次之澤荷陛下非分之恩沐浴隆慈歲月久矣至於增名益價發譽騰聲無翼而飛坐凌霄漢受四事之供超倫輩之華求之古人

所未有也玄奘何德何功以至於此皆是天波廣潤日月曲臨遂使燕石爲珍駿駘取貴撫躬內省唯深慙恧且害盈惡滿乃前哲之雅旨少欲知足亦諸佛之誠言玄奘自揆藝業空虛名行無取天慈聖澤無宜父冒望乞骸骨畢命山林禮誦經行以答提獎又蒙

陛下以輪王之尊布法王之化西域所得經本並令翻譯玄奘猥承人乏濫當斯任既奉天旨夙夜靡寧今已翻出六百餘卷皆三藏四含之宗要大小二乘之樞軸凡聖行位之林藪八方法門之海澤西域稱詠以爲鎮國方之典所須文義無彼不得譬擇木鄧林隨求大小收珍海浦任取方圓學者之宗斯

爲髮鬚玄奘用此奉報國恩誠不能盡雖然亦冀万分之一也但斷伏煩惱必定慧相資如車二輪闕一不可至如研味經論慧學也依林冥坐定學也玄奘少來頗得專精教義唯於四禪九定未暇安心今願託慮禪門澄心定水制情役之逸躁摯意馬之奔馳若不敘述山中不可成就竊承此州嵩高少室嶺嶂重疊峯澗多奇含孕風雲包蘊仁智果藥豐茂蘿薜清虛海內之名山域中之神岳其間復有少林伽藍閑居寺等皆跨枕巖壑縈帶林泉佛事尊嚴房宇閑邃即後魏三藏善提留支譯經之處也實可歸依以修禪觀又兩疏朝士尚解歸海辭榮巢許俗人猶知栖箕蘆素況玄奘出家爲法翻滯闕中清風激人念之增媿者也伏惟 陛下明踰七曜照極九幽伏乞亮此愚誠特垂聽許使得絕囂塵於衆俗卷影迹於人間陪麋鹿之羣隨鳬鶴之侶栖身片石之上庇影一樹之陰守察

心後觀法實相令四魔九結之賊無所穿窬
 五忍十行之心相從引發作菩提之由漸爲
 彼岸之良因外不累於皇風內有增於行
 業以此送終天之恩也儻蒙矜許則廬山慧
 遠雅操庶追剎道林清微望續仍冀禪觀
 之餘時間翻譯無任樂願之至謹詣闕奉表
 以聞輕觸宸威追深戰越帝覽表不許
 其月二十一日神筆自報書曰省表知欲晦
 跡巖泉追林遠而架往託慮禪寂軌澄什以
 標今仰挹風徽寔所欽尚朕業空學寡靡究
 高深然以淺識薄聞未見其可法師津梁三
 界汲引四生智皎心燈定凝意水非情塵之

所繫豈識浪之能驚道德可居何必太華疊
 嶺空寂可舍豈獨少室重巒幸戢來言勿復
 陳請則市朝大隱不獨貴於昔賢見聞弘益
 更可珍於即代勅旣令斷表不敢更言法
 師旣奉勅書進啓謝曰沙門玄奘言使人
 李君信至垂賜手詔銀鉤麗於丹字睿藻鬱

彼河圖石窟落帶峯岳之形郁潤挹風雲之氣
 不謂白藏之暮更覩春葩之文身居伊洛之
 澗忽矚岷荆之寶捧對歡欣手舞足蹈昔季
 重蒙魏君之札唯叙睽離惠遠厚晉帝之書
 繞令給米未覩詞兼空寂可舍之旨誨示大

隱朝市之情固知聖主之懷窮眞鑿俗綜
 有該無超羲軒而更高架曹馬而逾遠者矣
 但玄奘素絲之質尤畏朱藍葛蘿之身寔希
 松杞思願煙霞於少室偶泉石於嵩阿允
 避溺之情終防火之志所以敢竭愚瞽昧死
 陳聞庶陶甄之慈無遺鳬鶴雲雨之澤不弃
 爛蠡而明照霑臨不垂亮許仍降恩獎曲
 存輝實五情戰懼不知所守旣戢來言不敢
 更請謹附謝文唯增悚越冬十一月五日佛
 光王猝日法師又進法衣一具上佛光王表
 曰沙門玄奘言玄奘聞蘭榮紫苑過之者
 必歡桂茂青溪逢之者斯悅卉木猶余況人
 倫乎況聖倫乎伏惟皇帝皇后挹神睿之

姿懷天地之德撫寧區夏子育群生兼復大
建伽藍廣興福聚益寶圖常恒不變之業助
鼎命金剛堅固之因既妙善薰修故使
皇太子機神日茂潞王懿傑逾明佛光王政
巔增朗可謂超周越商與黃帝比崇子子孫
孫万年之慶者也玄奘猥以庸微時得參見

王等私心踊悅誠歡誠喜今是佛光王誕辰
之日禮有獻賀輒率愚懷謹上法衣一具伏
願王子万神擁衛百福扶持寤寐安和乳餉
調適紹隆三寶摧伏四魔行菩薩行繼如來
事不勝瓊華天枝英華美茂歡喜之至謹附
表并衣以聞輕觸宸嚴追深戰越法師時在
積翠宮翻譯無時暫輟積氣成疾奏帝帝聞
不悅即遣供奉內醫呂弘哲宣勑慰問法
師法師悲喜不已進表謝曰沙門玄奘言使
人呂弘哲等至宣勑慰問玄奘所患并許
出外將息慈旨忽臨延骸用起若對旒冕
如寘冰泉玄奘攝慎乖方疾瘵仍集自違離

鑾蹻倍覺嬰纏心痛背悶骨酸肉楚食眠頓
絕氣息漸微恐有不圖點穢宮宇思欲出外
自屏溝壑仍恐驚動聖聽不敢即事奏聞
遂依門籍出至寺所病既困勞轉篤心亦分
隔明時乃有尚藥司醫張德志爲針療因漸
瘳降得存首領還顧專輒之罪自期粉墨之
誅伏惟日月之明父諒愚拙江海之澤特肆
含容豈可移幸於至微屈法於常典望申公
道以穆憲司枉獄爲輕伏鉄是俟而殘魂朽
質仍被恩光撫臆言懷用銘肌骨自惟堰
頓非復尋常縱微下俚之憂亦盡生涯之冀
但恨隆恩未答末命先虧仰惟帝勤親勞
薄狩期於閱武情在訓戎旣昭仁於放鱗又
策勲於獻鳳遐迩慶集上下歡并風伯清塵
山祇護野敬惟動止故極休貞申烟誠於十
旬浹辰而返鄙宣遊於八駿密迹而旋玉乘
可佇冰懷以慰撫事迴惶終期殞越不勝荷
懼之至謹奉表待罪以聞荒惴失圖伏聽

勅旨帝覽表甚歡經三日後遣使迎法師入
四事供養留連累日 勅送法師還積翠宮
仍舊宣譯焉冬十二月改洛陽宮爲東都嫌
封畿之褊隘乃東分鄭州之汜水懷州之河
陽西廢穀州取宜陽永寧新安澠池等縣皆

餘屬焉法師以鄉邑增貴修表賀曰沙門玄
奘言竊聞鶴首錫秦上帝兆金城之據龜圖
薦夏中畿啓玉泉之窺是知靈貺所基皇猷
顯屬昌誦由其卜遠高光所以闡期允迪厥
猷率遵斯在伏惟 皇帝皇后揆物裁務懸
衡撫俗即土中之重喚遙虞巡而駐蹕因舊
制之瓊偉儀鑄京而建郛仍以卑宮載懷改
作勞於曩役馭奔在念軫居逸於晨興自非
折中華夷均一德輪豈能留連 聖眷煥汗
綸言是以令下之初山川鬱其改觀拓制爰
始烟雲霏而色動飛甍日麗馳道風清神期
勝響彝倫郁穆若賦武昌之魚樂遷王里爭

企云亭之鶴願奉屬車旣小晉鄭之依更褊
劉張之策前王讐翻豐洛遯開我后牢籠伊
咸並建麟宗克茂鼎祚惟遠自可東宴平樂
西臨建章佇吹笙而駐壽乘在藻而流詠蕩
蕩至公巍巍罕述玄奘散材莫効貽懼增深
但三川之郊猥露故里千載之幸鬱爲新邑

革門雖翳芻命猶存喜編轂下匪慙關外況
光宅之慶遐迩所同歡 聖上允安庸微所
特荷不勝喜抃之極謹奉表陳 謝以
聞三年春正月駕還西京法師亦隨歸
大慈恩寺三藏法師傳卷第九

箕錯戾初月剗暗龜朱暗察音郢初月齋切

大慈恩寺三藏法師傳卷第十 右十

沙門惠立本釋彥悰箋

起顯慶三年正月車駕自洛還西京終
至麟德元年二月玉華宮捨化
顯慶三年正月駕自東都還西京法師亦隨
還秋七月 勅法師徙居西明寺寺以元年